扬州十日记

作者: 王秀楚



扬州 日记

〔清〕 王秀楚

撰

扬州十日记方框对应字一览表

页码	对应文字(如果一页方框太多,按其出现的先后顺序排列)				
第 5 页	镏				
第6页	氈	宸	戹	宸	宬 .
第9页	柳				

《扬州十日记》导读

《扬州十日记》一卷,王秀楚撰。

纪元 1645 年,清兵在多铎的率领下,分兵亳州、徐州两路,向南推进,势如破竹,迅速占领了徐州、亳州、盱眙,并乘势下淮安,夺泗州,渡淮河。四月十九日,明将许定国引多铎师至扬州,扬州被清国水陆各路重围。守将史可法统率军民,坚守弧城,同时,向弘光小皇帝求援,弘光不应,扬城告急,四月二十一日,明总兵李栖凤、监军副使高岐凤拔营出降,形势更为危急。史可法等坚守至四月二十五日,终因弹尽粮绝,被清兵攻破。史可法自刎不果而被俘。在多铎百般的诱降时,史可法斩钉截铁地说道:"城存与存,城亡与亡。我头可断,而态不可屈!"结果被惨遭杀害。史可法的部下在这种情形下,仍率余部继续鏖战,直至流尽最后一滴血。清军占领扬州后,纵兵屠掠,十日封刀,史称"扬州十日"。

《扬州十日记》就是这段历史的忠实记录,是清兵屠杀中原人民的罪恶见证,它永远地将野蛮和罪恶钉在了历史的耻辱柱上。且看经过屠杀的这片土地上的血淋淋的场景"……行过一沟一池,堆尸贮积,手足相枕,血入水碧赭,化为五色,塘为之平。至一宅,乃廷尉永言姚公居也,从其后门直入,屋宇深邃,处处皆有积尸……'整个文本采取杂记形式 笔者自身亦被记录于笔端 和历史事件整个地融为一体,在文体上有些近似于笔记小说。在当时看来,则有似是"新闻"。所有这些,似乎与严肃的史学著述不太相同,很难列入史地奇书之中。事实上,这种

形式的灵活性并没有影响到所记事实的客观性 相反 这样惨无人道的杀戮,由于是笔者的亲闻目睹,更增加了它的真实性、可靠性,亦即历史性。全文就像是一部目击记。正因为此,《扬州十日记》才成为史地著述中的一"奇"。

扬州十日记

己酉夏四月十四日,督镇史可法从白洋河失守,踉跄奔扬州,坚闭城以御敌,至念四日未破。城前禁门之内,各有兵守,予宅西城,杨姓将守焉。吏卒棋置,予宅寓二卒,左右舍亦然,践踏无所不至,供给日费钱千余。不继,不得已共谋为主者觞,予更谬为恭敬,酬好渐洽;主者喜,诚卒稍远去。主者喜音律,善琵琶,思得名妓以娱军暇;是夕,邀予饮,满拟纵欢,忽督镇以寸纸至主者览之色变,遽登城,予众亦散去。

越次早,督镇牌谕至 内有一人当之,不累百姓 之语,闻者莫不感泣。又传巡军小捷,人人加额焉。午后,有姻氏自瓜洲来避兴平伯逃兵,〔兴平伯高杰也,督镇檄之,出城远避。〕予妇缘别久,相见唏嘘,而敌兵入城之语,已有一二为予言者。予急出询诸人,或曰'靖南侯黄得功援兵至。'旋观城上守城者尚严整不乱,再至市上,人言汹汹,披发跣足者继尘而至,问之,心急口喘莫知所对。忽数十骑自北而南,奔驰狼狈势如波涌,中拥一人则督镇也。盖奔东城外,兵逼城不得出,欲奔南关,故由此。是时,始知敌兵入城无疑矣。突有一骑由北而南,撤缰缓步,仰面哀号,马前二卒依依辔首不舍,至今犹然在目,恨未传其姓字也。骑稍远,守城丁纷纷下窜,悉弃胄抛戈,并有碎首折胫者,迴视城橹已一空矣!

先是督镇以城狭炮具不得展、城垛设一板,前置城径,后接民居,使有余地,得便安置。至是工未毕,敌兵操弧先登者白刃乱下,守城兵民互相拥挤,前路逼塞,皆奔所置木板,匍匐扳援,得及民屋,新板不固,托足即倾,人如落叶,死者十九,其及屋者,足蹈瓦裂,皆作剑戟相击声,又如雨雹挟弹,铿然 然,四应不绝,屋中人惶骇百出,不知所为?而堂室内外深至寝闼,皆守城兵民缘屋下者,惶惶觅隙潜匿,主人弗能呵止。外厢比屋闭户,人烟屏息。

予厅后面城 从窗隙中窥见城上兵循南而西 ,步武严整 ,淋雨亦不少紊 ,疑为节制之师 ,心稍定。忽叩门声急 则邻人相约共迎王师 ,设案焚香 ,示不敢抗 ,予虽知事不济 ,然不能拂众议 ,姑应曰唯唯。于是改易服色 ,引领而待 ,良久不至。予复至后窗窥城上 ,则队伍稍疏或行或止 ;俄见有拥妇女杂行 ,阚其服色皆扬俗 ,予始大骇。还语妇曰:兵入城 ,倘有不测 ,尔当自裁。'妇曰诺。因曰:前有金若干付汝置之 ,我辈休想复生人世矣!'涕泣交下 ,尽出金付予。值乡人进 急呼曰:至矣 ,至矣!'予趋出 望北来数骑皆按辔徐行 ,遇迎王师者 ,即俯首若有所语。是时 ,人自为守 ,往来不通 ,故虽违咫尺而声息莫闻 ,迨稍近 ,始知为逐户索金也。然意颇不奢 稍有所得 ,即置不问 ,或有不应 ,虽操刀相向 ,尚不及人 ,后乃知有捐金万两相献而卒受毙者 ,扬人导之也。

次及予楣,一骑独指予呼后骑曰:为我索此蓝衣者。'后骑方下马,而予已飞遁矣;后骑遂弃余上马去,予心计曰:我粗服类乡人,何独欲予?'已而予弟适至,予兄亦至,因同谋曰:此居左右皆富贾,彼亦将富贾我,奈何?'遂急从僻径托伯兄率妇等冒雨至仲兄宅,仲兄宅在何家坟后,附腋皆窭人居也。予独留后以观动静,俄而伯兄忽至,曰:中衢血溅矣,留此何待?予伯仲生死一处,亦可不恨。'予遂奉先人神主偕伯兄至仲兄宅,当时一兄一弟一嫂一侄,又一妇一子,二外姨,一内弟,同避仲兄家。天渐暮,敌兵杀人声已彻门外,因乘屋暂避,雨尤甚,十数人共拥

一 丝发皆湿 :门外哀痛之声悚耳慑魄 ,延至夜静 ,乃敢扳檐下屋 敲火炊食。城中四周火起 ,近者十余处 ,远者不计其数 ,赤光相映如雷电 辟卜声轰耳不绝 ;又隐隐闻击楚声 哀顾断续 ,惨不可状。饭熟 相顾惊怛不能下一箸 ,亦不能设一谋。予妇取前金碎之 ,析为四 ,兄弟各藏其一 ,尽履衣带内皆有 ,妇又觅破衲敝履为予易讫 ,遂张目达旦。是夜也 ,有鸟在空中如笙簧声 ,又如小儿呱泣声者 ,皆在人首不远 ,后询诸人皆闻之。

念六日,顷之,火势稍息。天渐明,复乘高升屋躲避,已有十数人伏天沟内。忽东厢一人缘墙直上,一卒持刃随之,追蹑如飞,望见予,众随舍所追而弃予。予惶迫,即下窜,兄继之,弟又继之,走百余步而后止。自此遂与妇子相失,不复知其生死矣。诸黠卒恐避匿者多,绐众人以安民符节,不诛,匿者竟出从之,共集至五六十人,妇女参半,兄谓余曰:我落落四人,或遇悍卒,终不能免;不若投彼大群势众则易避,即不幸,亦生死相聚,不恨也。'当是时,方寸已乱,更不知何者为救生良策?共曰唯唯相与就之。领此者三满卒也,遍索金帛,予兄弟皆罄尽,而独遗予未搜;忽妇人中有呼予者,视之乃余友朱书兄之二妾也,予急止之。二妾皆散发露肉,足深入泥中没胫,一妾犹抱一女,卒鞭而掷之泥中,旋即驱走。一卒提刀前导,一卒横槊后逐,一卒居中,或左或右以防逃逸。数十人如驱犬羊,稍不前,即加捶挞,或即杀之,诸妇女长索系颈,累累如贯珠,一步一蹶,遍身泥土;满地皆婴儿,或衬马蹄,或藉人足,肝脑涂地,泣声盈野。

行过一沟一池 堆尸贮积 ,手足相枕 ,血入水碧赭 ,化为五色 塘为之平。至一宅 ,乃廷尉永言姚公居也 ,从其后门直入 ,屋宇深邃 ,处处皆有积尸 ,予意此间是我死所矣 ;乃逶迤达前户 ,出街复至一宅 ,为西商乔承望之室 ,即三卒巢穴也。入门 ,已有一卒拘数美妇在内简检筐篚彩缎如山 ,见三卒至大笑 ,即驱予辈数十人至后厅 ,留诸妇女置旁室 ;中列二方几 ,三衣匠一中年妇人制衣 ,妇扬人 ,浓抹丽妆 ,鲜衣华饰 ,指挥言笑。欣然有得色 ,每遇好物 ,即向卒乞取 ,曲尽媚态 ,不以为耻 ;予恨不能夺卒之刀 ,断此淫孽。卒尝谓人曰 : 我辈征高丽 ,掳妇女数万人 ,无一失节者 ,何堂堂中国 ,无耻至此 ?'呜呼 ,此中国之所以乱也。

三卒随令诸妇女尽解湿衣,自表至里,自顶至踵,并令制衣妇人相修短,景宽窄,易以鲜新;诸妇女因威逼不已,遂至裸体相向,隐私尽露,羞涩欲死之状,难以言喻。易衣毕,乃拥之饮酒,哗笑不已;一卒忽横刀跃起向后疾呼曰:蛮子来,蛮子来!近前数人已被缚,吾伯兄在焉。仲兄曰:势已至此,夫复何言?'急持予手前,予弟亦随之,是时男子被执者共五十余人,提刀一呼,魂魄已飞,无一人不至前者;予随仲兄出厅,见外面杀人,众皆次第待命。予初念亦甘就缚,忽心动若有神助,潜身一遁,复至后厅,而五十余人不知也。

厅后宅西房尚存诸老妇,不能躲避,由中堂穿至后室,中尽牧驼马,复不能踰走,心愈急,遂俯就驼马腹下,历数驼马腹匍匐而出,若惊驼马,稍一举足,即成泥矣。又历宅数层,皆无走路,惟旁有弄可通后门,而弄门已为卒加长锥钉固;予复由后弄至前,闻前堂杀人声,愈惶怖无策,回顾左侧有厨,中四人盖亦被执治庖者也,予求收入,使得参司火掌汲之役,或可幸免,四人峻拒曰:我四人点而役者也,使再点而增人,必疑有诈,祸且及我!'予哀吁不已,乃更大怒,欲执予赴外,予乃出,心益急,视阶前有架,架上有瓮,去屋不甚远,乃援架而上,手方及瓮身已倾仆,盖瓮中虚而用力猛故也。无可奈何,仍急趋旁弄门,两手棒锥摇撼百度,终莫能动,击以石,则响达外庭,恐觉;不得已复竭力摇撼之,指裂血流,淋漏两肘,锥忽动,尽力拔之,维已在握,急制门,,木槿也,濡雨而涨,其坚涩倍于锥,予迫甚,但力取 ,不能出而门枢忽折,扉倾垣颓,声如雷震,予急耸身飞越,亦不知力之何来也。疾趋后门出,即为城脚。时兵骑充斥,触处皆

是,前进不能,即于乔宅之左邻后门挨身而入;凡可避处皆有人,必不肯容,由后至前,凡五进皆如是。直至大门,已临通衢,兵丁往来络绎不绝,人以为危地而弃之。予乃急入,得一榻,榻颠有仰顶,因缘柱登之,屈身向里,喘息方定,忽闻隔墙吾弟哀号声,又闻举刀砍击声,凡三击遂寂然。少间复闻仲兄哀恳曰:吾有金在家地窖中,放我,当取献。'一击复寂然,予此时神已离舍,心若焚膏,眼枯无泪,肠结欲断,不复自主也。旋有卒挟一妇人直入,欲宿此榻,妇不肯,强而后可,妇曰:此地近市,不可居。'卒复携之去,予几不免焉。

室有仰屏,以席为之,不胜人,然缘之可以及梁,予以手两扳梁上桁条而上,足托驼梁,下有席蔽,中黑如漆,仍有兵至,以予上搠,知是空虚,料无人在上,予始得竟日未遇兵,然在下被刃者几何人?街前每数骑过,必有数十男妇哀号随其后。是日虽不雨,亦无日色,不知旦暮。至夕,军骑稍疏,左右惟闻人声悲泣,思吾弟兄已伤其半,伯兄亦未卜存亡?予妇予子不知何处?欲踪迹之,或得一见;且使知兄弟死所。乃附梁徐下,蹑足至前街,街中枕尸相藉,天暝莫辨为谁?俯尸遍呼,漠无应者。遥见南首数火炬蜂拥而来,予急避之,循郭而走。城下积尸如鳞,数蹶,声与相触,不能措足,则俯伏以手代步,每有所惊,即仆地如僵尸,久之始通于衢。衢前后举火者数处,照耀如白昼,逡巡累时,而后越,得达小路,路人昏夜互触相惊骇,路不满百步,自酉至亥方及兄家。

宅门闭不敢遽叩,俄闻妇人声,知为吾嫂,始轻击,应门者即予妇也。伯兄己先返,吾妇子俱在,予与伯兄哭,然犹未敢遽告仲兄季弟之被杀也。嫂询予,予依违答之。予询妇何以得免?妇曰:方卒之追逐也,子先奔,众人继之,独遗我,我抱彭儿投屋下不得死,吾妹踢伤足亦卧焉。卒持我二人至一室,屋中男妇几十人皆鱼贯而缚之。卒因嘱我于诸妇曰:看守之,无使逸去。"卒持刀出,又一卒入 劫吾妹去;久之,不见前卒至,遂绐诸妇得出。出即遇洪妪,相携至故处,故幸免。'洪妪者仲兄内亲也,妇询予,告以故,唏嘘良久。洪妪携宿饭相劝,哽咽不可下。外复四面火起,倍于昨夕,予不自安,潜出户外,田中横尸交砌,喘息犹存,遥见何家坟中,树木阴森,哭音成籁,或父呼子,或夫觅妻,呱呱之声,草畔溪间,比比皆是,惨不忍闻。回至兄宅,妇谓予曰:今日之事,惟有一死,请先子一死,以绝子累,彭儿在,子好为之!'予知妇之果于死也,因与语竟夜,不得间,东方白矣。

念七日,问妇避所,引予委曲至一柩后,古瓦荒砖,久绝人迹,予蹲腐草中,置彭儿于柩上,覆以苇席,妇偻居于前,我曲附于后,扬首则顶露,展足则踵见,屏气灭息,拘手足为一裹。魂少定而杀声逼至,刀环响处,怜呼乱起,齐声乞命者或数十人或百余人,遇一卒至,南人不论多寡,皆垂首匐伏,引颈受刃,无一敢逃者;至于纷纷子女,百口交啼,哀鸣动地,更无论矣!日向午,杀掠愈甚,积尸愈多,耳所难闻,目不忍睹,妇乃悔畴昔之夜,误予言未死也。然幸获至夕,予等逡巡走出,彭儿酣卧柩上,自朝至暮,不啼不言,亦不欲食,或渴欲饮,取片瓦掬沟水润之,稍惊则仍睡去,至是呼之醒,抱与俱去;洪妪亦至,知吾嫂又被劫去,吾侄在襁褓竟失所在,呜呼痛哉!甫三日而兄嫂弟侄已亡其四,茕茕孑遗者,予伯兄及予妇子四人耳!相与觅臼中余米,不得,遂与伯兄枕股忍饥达旦。是夜予妇觅死几毙,赖妪救得免。

念八日,予谓伯兄曰:今日不卜谁存?吾兄幸无恙,乞与彭儿保其残喘。'兄垂泪慰勉,遂别,逃他处。洪妪谓予妇曰:我昨匿破柜中,终日贴然,当与子易而避之。'妇坚不欲。仍至柩后偕匿焉。未几,数卒入,破柜劫妪去,捶击百端,卒不供出一人,予甚德之,后仲兄产百金,予所留余亦数十金,并付妪,感此也。少间,兵来益多,及予避所者前后接踵,然或一至屋后,望见

柩而去。忽有十数卒恫喝而来,其势甚猛,俄见一人至柩前,以长竿搠予足,予惊而出,乃扬人之为彼乡导者,面则熟而忘其姓,予向之乞怜,彼索金,授金,乃释予,犹曰:便宜尔妇也。'出语诸卒曰:姑舍是。'诸卒乃散去。喘惊未定,忽一红衣少年掺长刃直抵予所,大呼索予,出,举锋相向,献以金,复索予妇,妇时孕九月矣,死伏地不起。予绐之曰:妇孕多月,昨乘屋坠下,孕因之坏,万不能坐,安能起来?'红衣者不信,因启腹视之,兼验以先涂之血袴,遂不顾。所掳一少妇一幼女一小儿,小儿呼母索食,卒怒一击,脑裂而死,复挟妇与女去。

予谓此地人径已熟,不能存身,当易善地处之;而妇坚欲自尽,予亦惶迫无主,两人遂出,并 缢于梁;忽项下两绳一时俱绝,并跌于地。未及起,而兵又盈门,直趋堂上,未暇过两廊。予与 妇急趋门外,逃奔一草房,中悉村间妇女,留妇而却予。予急奔南首草房中,其草堆积连屋,予 登其巅,俯首伏匿,复以乱草覆其上,自以为无患矣。须臾卒至,一跃而上,以长矛溯其下,予从 草间出乞命,复献以金;卒搜草中,又得数人,皆有所献而免。卒既去,数人复入草间,予窥其 中,置大方桌数张,外围皆草,其中廓然而虚,可容二三十人。予强窜入,自谓得计,不意败垣从 半腰忽崩一穴,中外洞然,已为他卒窥见,乃自穴外以长予直刺;当其前者无不被大创,而予后 股亦伤。于是近穴者从隙中膝行出,尽为卒缚,后者倒行排草而出。

予复至妇所,妇与众妇皆伏卧积薪,以血膏体,缀发以煤,饰面形如鬼魅,鉴别以声。予乞众妇,得入草底,众妇拥卧其上,予闭息不敢动,几闷绝,妇以一竹筒授予,口衔其末,出其端于上,气方达,得不死。户外有卒一,时手杀二人,其事甚怪,笔不能载。草上诸妇无不股慄,忽哀声大举,卒已入室,复大步出,不旋顾。天亦渐暝,诸妇起,予始出草中,汗如雨。至夕,复同妇至洪宅,洪老洪妪皆在,伯兄亦来,云是日被劫去负担,赏以千钱,仍付令旗放还,途中乱尸山叠,血流成渠,口难尽述。复闻有王姓将爷居本坊昭阳李宅,以钱数万日给难民,其党杀人,往往劝阻,多所全活。是夜悲咽之余,昏昏睡去。次日,则念九日矣。

自念五日起,至此已五日,或可冀幸遇赦,乃纷纷传洗城之说,城中残黎冒死缒城者大半,旧有官沟壅塞不能通流,至是如坦途,夜行昼伏,以此反罹其锋。城外亡命利城中所有,辄结伴夜入官沟盘诘,搜其金银,人莫敢谁何。予等念既不能越险以逃,而伯兄又为予不忍独去,延至平旦,其念遂止。原避处知不可留,而予妇以孕故屡屡获全,遂独以予匿池畔深草中,妇与彭儿裹卧其上,有数卒至,为劫出者再,皆少献赂而去。继一狠卒来,鼠头鹰眼,其状甚恶,欲劫予妇,妇偃蹇以前语告之,不听,逼使立起,妇旋转地上,死不肯起,卒举刀背乱打,血溅衣裳,表里渍透。先是妇戒予曰:倘遇不幸,吾必死,不可以夫妇故而乞哀,并累子,我死则必死子目,俾子亦心死。'至是予远躲草中,若为不与者,亦谓妇将死,而卒仍不舍,屡擢妇发周数匝于臂,怒叱横曳而去。由田陌至深巷一箭地,环曲以出大街,行数武必击数下。突遇众骑至,中一人与卒满语一二,遂舍予妇去。始得匍匐而返,大哭一番,身无完肤矣!

忽又烈火四起,何家坟前后多草房,燃则立刻成烬;其有寸壤隙地,一二漏网者,为火一逼,无不奔窜四出,出则遇害,百无免一。其闭户自焚者由数口至数百口,一室之中,正不知积骨多少矣!大约此际无处可避,亦不能避,避则或一犯之,无金死,有金亦死,惟出露道旁,或与尸骸杂处,生死反未可知。予因与妇子并往卧冢后,泥首涂足,殆无人形。时火势愈炽墓木皆焚,光如电灼,声如山摧,悲风怒号,令人生噤,赤日惨淡,为之无光,目前如见无数夜叉鬼母驱杀千百地狱人而驰逐之。惊悸之余,时作昏眩,盖已不知此身之在人世间矣。

骤闻足声腾猛,惨呼震心,回顾墙畔,则予伯兄复被获。遥见兄与卒相持,兄力大,撇而得

脱 卒走逐出田巷 半晌不至 净心方摇摇 ,乃忽走一人来前 ,赤体散发。视之 ,则伯兄也 ;而追伯兄之卒 ,即前之劫吾妇而中途舍去者也。伯兄因为卒所逼 ,不得已向予索金救命 ,予仅存一锭 ,出以献卒 ,而卒怒未已 ,举刀击兄 ,兄辗转地上 ,沙血相渍 ,注激百步。彭儿拉卒衣涕泣求免 〔时年五岁〕卒以儿衣拭刀血再击而兄将死矣。旋拉予发索金 ,刀背乱击不止 ,予诉金尽 ,曰:必欲金即甘死 ,他物可也。'卒牵予发至洪宅 ,予妇衣饰置两瓮中 ,倒置阶下 ,尽发以供其取 ,凡金珠之类莫不取 ,而衣服择好者取焉。既毕 ,视儿项下有银锁 ,将刀割去 ,去时顾予曰:'吾不杀尔 ,自有人杀尔也。'知洗城之说已确 ,料必死矣。置儿于宅 ,同妇急出省兄 ,前后项皆砍伤 ,深入寸许 ,胸前更烈 ,启之洞内府 ;予二人扶至洪宅 ,问之 ,亦不知痛楚 ,神魂忽瞆忽苏。安置毕 ,予夫妇复至故处躲避 ,邻人俱卧乱尸丛中 ,忽从乱尸中作人语曰:明日洗城 ,必杀一尽 ,当弃汝妇与吾同走。'妇亦固劝余行 ,余念伯兄垂危 ,岂忍舍去?又前所恃者犹有余金 ,今金已尽 料不能生 ,一痛气绝 ,良久而苏。

火亦渐灭 ,遥闻炮声三 ,往来兵丁渐少 ,予妇彭儿坐粪窖中 ,洪妪亦来相依。有数卒掳四五个妇人 ,内二老者悲泣 ,两少者嘻笑自若 ;后有二卒追上夺妇 ,自相奋击 ,内一卒劝解作满语 ,忽一卒将少妇负至树下野合 ,余二妇亦就被污 ,老妇哭泣求免 ,两少妇恬不为耻 ,数十人互为奸淫 ,仍交与追来二卒 ,而其中一少妇已不能起走矣。予认知为焦氏之媳 ,其家平日所为 ,应至于此 ,惊骇之下 ,不胜叹息。

忽见一人红衣佩剑 满帽皂靴 年不及三十 姿容俊爽 随从一人 衣黄背甲 貌亦魁梧 后有数南人负重追随。红衣者熟视予 指而问曰:视予 尔非若俦辈 实言何等人?'予念时有以措大而获全者 亦有以措大而立毙者 不敢不以实告 红衣者遂大笑谓黄衣者曰:汝服否?吾固知此蛮子非常等人也。'复指洪妪及予问为谁?具告之 红衣者曰:明日王爷下令封刀 汝等得生矣!幸勿自毙。'命随人付衣几件 ,金一锭 ,问'汝等几日不食?'予答以五日 ,则曰'随我来,'予与妇且行且疑 ,又不敢不行 ,行至一宅 ,室虽小而赀蓄甚富 ,鱼米充 ,中一老妪 ,一子方十二三岁见众至 ,胲甚 ,哀号触地。红衣者曰:予贷汝命 ,汝为我待此四人者 ,否则杀汝 ,汝此子当付我去。'遂挈其子与予作别而去。

老妪者郑姓也 疑予与红衣者为亲 ,因谬慰之 ,谓子必返。天已暮 ,予内弟复为一卒劫去 ,不知存亡?妇伤之甚。少顷 ,老妪搬出鱼饭食予 ;宅去洪居不远 ,予取鱼饭食吾兄 ,兄喉不能 咽 ,数箸而止 ,予为兄拭发洗血 ,心如万磔矣!是日 ,以红衣告予语遍告诸未出城者 ,众心始稍 定。次日为五月朔日 ,势虽稍减 ,然亦未尝不杀人 ,未尝不掠取 ;而穷僻处或少安 ,富家大室方且搜括无余 ,子女由六七岁至十余岁抢掠无遗种。是日 ,兴平兵复入扬城 ,而寸丝半粟 尽入虎口 ,前梳后篦 ,良有以也。

初二日,传府道州县已置官吏,执安民牌遍谕百姓,毋得惊惧。又谕各寺院僧人焚化积尸;而寺院中藏匿妇女亦复不少,亦有惊饿死者,查焚尸簿载其数,前后约计八十万余,其落井投河,闭户自焚,及深入自缢者不与焉。是日,烧绵絮灰及人骨以疗兄创;至晚,始以仲兄季弟之死哭告予兄,兄颔之而已。

初三日,出示放赈,偕洪妪至缺口关领米;米即督镇所储军粮,如邱陵,数千石转瞬一空。 其往来负载者俱焦头烂额 断臂折胫,刀痕遍体,血渍成块,满面如烛泪成行,碎烂鹑衣,腥秽触鼻,人扶一杖,挟一蒲袋,正如神庙中窜狱冤鬼,稍可观者犹是卑田院乞儿也。夺米之际,虽至亲知交不顾,强者往而复返,弱者竟日不得升斗。初四日,天始霁,道路积尸既经积雨暴涨,而 青皮如蒙鼓 .血肉内溃 秽臭逼人 ,复经日炙 ,其气愈甚 ,前后左右 ,处处焚灼 ,室中氤氲 ,结成如雾 ,腥闻百里。盖此百万生灵 ,一朝横死 ,虽天地鬼神 ,不能不为之愁惨也!

初五日,幽僻之人始悄悄走出,每相遇,各泪下不能作一语。予等五人虽获稍苏,终不敢居宅内,晨起早食,即出处野畔,其妆饰一如前日;盖往来打粮者日不下数十辈,虽不操戈,而各制挺恐吓,诈人财物,每有毙杖下者;一遇妇女,仍肆掳劫,初不知为清兵为镇兵为乱民也?是日,伯兄因伤重,刀疮迸裂而死,伤哉,痛不可言!忆予初被难时,兄弟嫂侄妇子亲共八人,今仅存三人,其内外姨又不复论。计扬之人如予之家不知凡几?其数濒于死,幸死而不死,如予与妇者甚少,然而愁苦万状矣!

自四月二十五日起,至五月五日止,共十日,其间皆身所亲历,目所亲睹,故漫记之如此,远处风闻者不载也。后之人幸生太平之世,享无事之乐;不自修省,一味暴殄者,阅此当惊惕焉耳!